



大明英宗睿皇帝實錄

廢帝郊慶王附錄

景泰三年冬十月己丑朔

太上皇帝居南宮

帝身

太廟遣官祭

長陵

獻陵

景陵遣官祭司井之神

太子少保太子副都御史
羅通言達賊所持以突陣者馬無馬是無兩足矣

今也先遣使臣三千餘人帶來馬四萬餘匹宜
量增其價以酬之彼見增價則又來來之不已故
胡地之馬自空此亦強中國弱夷狄之道也詔曰
虜賊譎詐多端帶來馬俱不堪若增其價是墮賊
計中所言不可行

庚寅

陸禮部左給事中張試工科右給事中國盛俱為
本科都給事中右軍都督府脫走充軍犯人時
安遠侯柳溥總府事刑科左給事中曹勅等劾之
謂充軍者隆平侯張福之親福乃溥婿不無遞相

營救雖曰脫逃實出指使詔甯溥不問但責其立

法擒之

巡按直隸監察御史王常業都指揮張

欽率操兵於京縱之攘奪命都察院收問之

日生背氣色青赤左右珥色赤黃鮮明

辛卯

吏部言戶部等衙門堂上官考察各屬主事等官
王宗才力不勝李景華等老疾不堪任凡十員送
部請以才力不勝者降縣典史老疾者冠帶致仕
從之戶科給事中何陞奏江南各府州縣民間
許逃戶隨處附籍因乘機做效有軍匠灶丁逃回

輒徙他處報作民籍乞移文浙江等處巡撫等官
查勘各處逃戶附籍者以十丁為率以五丁還回
原籍應辦當差或全戶願回者聽從之。女直頭
目賽吃的未歸命於南京錦衣衛安插賜鈔布紵
絲衣服柴米牛羊房屋床榻器皿等物。巡按直
隸監察御史張晉奏太監阮仁得以事如南京沿
路多索人馬擾有司。命先提從仁得官校鞠問
魏國公徐顯宗妻夫人沐氏卒遣官致祭命有
司營塋

壬辰

四川行都司越為衛印部長官司王官領河壽遣
把事領河得等湖廣施州衛宣撫司王官舍人譚
得勝及羅鬼洞長單文武等來朝貢馬賜綵幣禮
物有差。報名丁共報信米三卡。在卡詔與高。齊。數。
癸巳。帝命。丁。共。報。信。米。三。卡。在。卡。詔。與。高。齊。數。
給沁源王第二子鎮國將軍幼墐歲祿二千石米
鈔中半。燕。支。舉。同。名。亦。其。子。通。十。萬。以。十。萬。石。米。
乙未。帝。命。丁。共。報。信。米。三。卡。在。卡。詔。與。高。齊。數。
復指揮同知畢旺于錦衣衛仍掌衛事先是旺坐
事調衛至。定。召。而。復。之。

命南京濟州衛指揮同知紀興子勲金吾前衛指揮
僉事曾善子能俱代職以興等老疾故也 戶部
奏貴州平越都勻普定畢節四衛見缺軍糧請以
四川鹽課提舉司景泰五年鹽十萬九千餘引定
則例召商于四衛中納其鹽配搭均平華池上井
蕪黃市淪下井每引米四斗通海新羅永通上井
并雲安羅泉下井每引米三斗五升福興富義廣
福上井蕪仙泉都山大寧下井每引米一斗一升從之
總督邊儲參贊軍務右僉都御史李秉奏守備
烏塔堡都指揮同知楊文縱其部科將科歛軍士

命巡按御史張瑩以候來春履治之 工部侍郎贈
尚書王永和妻淑人陸氏卒遣官致祭命有司營
塋

命丙申 靜修禪師葛藏往烏思藏公幹回還并其徒刺麻
列巴祿竹等各貢方物陞葛藏為國師賜絲幣僧
衣等物有差 總督軍衛右都御史王耒奏湖廣
平溪清浪鎮遠偏橋四衛與貴州接壤密迩諸苗
其管操都指揮僉事陳節幼弱多疾都指揮僉事
安順常馬恭將累立戰功諳曉夷情乞以順代節

庶邊夷有所控制從之。南京內使范甚送上用
物未京縱其奴李容縛高郵知州李友文毆傷事
覺命送甚司禮監懲治容編成開平衛。靖江王
府奉國將軍佐立堯家眷無祿養贍事聞詔每歲
給米二百石。陞浙江金華府知府石瑁為福建
右布政使山東濟南府知府黃忠為陝西右叅政
命龍門衛今年屯糧全免開平衛龍門衛千戶所免
十分之八以其被霜也。

戊戌

命右都督方英鎮守貴州都督同知陳友鎮守湖廣

召右都御史王耒保定伯梁瑾還京以耒等奏地
方已寧乞班師也。

詔各處巡撫等官嚴督司府縣委官挨究山西大同
等處故官子孫附籍寄住者撥回原籍沿途給以
口糧從戶部奏請也。少保燕太子太傅工部尚
書東閣大學士高穀言內外諸司惟賢是用臣切
見經筵每日講書文官及文淵閣辦事官員數頗
少乞勅禮部同臣等於翰林院左右春坊并各衙
門內推選平素學問老成操持清白志存忠孝莊
重不矜或處繁劇之司或居閑散之地者進用二

三員俾之六職上以裨益聖學下以協恭民職庶
無浮靡趨競之風而盡贊相啟沃之道命禮部會
內閣推舉乃舉大理寺右少卿陳詢及翰林院侍
講學士蕪右春坊右中允呂原左春坊左中允蕪
翰林院侍講楊鼎堪日侍經筵講書太子太保蕪
都察院右都御史王文太子少保蕪大理寺卿蕭
維禎右春坊右庶子管國子監司業事王恂堪文
淵閣辦事疏聞命詢鼎侍經筵講官又入文淵
閣辦事戶部奏順天府宛平縣楊福祥妻一產
三男其家及分養之家各月給食米五斗然無任

支期請令分養之家滿三年住支者為例從之
已亥無文
復給兵仗局造作軍器民匠口糧從印綬監奏請
也戶部奏湖廣大倉倉官攬牌斗侵盜官糧請
令湖廣按察司委堂上官鞫問追糧完日俱發廣
西先軍仍請通移文各布政司及南北直隸有犯
者俱如例江南者發廣西都司江北者發萬全都
司衛所從之

庚子

命都督同知李信鎮守浙江都督僉事張真掌浙江

命之從兵部請也 襄城王範塢奏臣嫡長子微

鉅年已長成無給祿米例乞以臣祿米折色四百

石改賜本色米一二百石以資養贍從之

辛丑 召巡撫山西右副都御史朱鑑回京 命右僉都

御史蕭啟代之 夜五星犯亢宿

壬寅

少保兼兵部尚書于謙奏訪得各營軍士自團營
外多為權要及所管官旗私縱後使令邊務方殷

正用人之際而將臣所為若此國何賴焉乞令法

司究治庶有所警詔太監阮蘭尚書俞士悅同謙

等點視 山東河南指指揮僉事趙輔李貴坐率

屬衛官軍赴京採備多脫亡贖杖還職

癸卯

書復寧化王秋煇曰得奏寧夏衛指揮同知倪謙

等不法事情已令巡按御史逮問具奏處治今又

欲同官眷陳訴

朕已具悉不可必求 戶部奏大同宣府邊餉浩大

請勅總督邊儲左副都御史年富等將大同宣府

各衛所空閒軍餘官舍人等速為取勘見數候來
年東作之時令其耕種秋成徵收子粒敢有官豪
勢要人等私役軍餘及占種屯地者亦聽富等具
奏執問從之戶部右侍郎張睿聞母喪吏部以
睿提調邊儲請令奪情從之睿辭遂命右侍郎沈
翼攝其事許睿奔喪仍遣官致祭其母及營葬事
吏部言吏科卷出大寧都司都指揮同知王昇
等奏舉保定衛經歷周昂公勤敏捷大河衛指揮
使管惠奏保本衛知事陳昂才足應繁各乞陞補
司衛經歷寧撫擅法市恩而昂雖又不自量緊隨

僉名俱宜建問俾知所警詔姑宥昇惠餘悉建
治禮部右侍郎兼左春坊左庶子鄒幹言臣考
察山西布政司等衙門右布政使等官候復等三
十餘員俱昏耄不堪任右叅議等官于泰等二十
餘員俱簞簞不諳已皆疏名送部請如例黜罷竊
惟臣自奉命以來夙夜勤慎務求公論以勝委任
凡有軍民告訐官司必詳審覆果得其實而後行
未嘗輕信而有驟發故于誣告輒抵以罪近巡撫
山西右副都御史朱鑑奏稱因臣考察告訐之風
甚行有司忝誣不敢追督邊儲此蓋貪官污吏畏

發其私假此聳動俾免考察而鑑徇情徇聽代陳
過當况臣初至考察之時當邊儲起運之後其有
未完皆由平日有司庸情之所致豈因臣考察而
有所妨誤哉夫民之豪黠誣構官司者固不能無
而民之不才蠹政害民者亦不為少原其所自皆
由方面風憲之非人故紀綱蕩然無所表率而有
司之中又多出于鎮守巡撫等官之所舉故一有
敗露曲為回互以致官有所恃而無所畏民者所
害而無所訴繼全之後乞勅吏部覈選方面風憲
之正員以為諸司之表率杜絕鎮守巡按之舉保

以歸吏部之銓除如此庶幾官得其人其人民受其惠疏
聞是其言下之吏部前太子太保兼刑部尚書俞
士悅奏各營管操官有將軍士受賄縱放者有役
使出臨期或倩人應點或互借冒補奸計百端一
人耳目豈能周知况事宜急速不能遲緩急則難
以為奸緩則易于作弊乞選委監察御史四員暗
行体察兵刑二部屬官八員分行點視尅期克報
庶幾奸弊可革軍伍得清從之

丙午

載

誠
孝昭皇后忌辰遣官祭

獻陵 女直頭目卯罕來歸命于南京錦衣衛安插

賜鈔布衣服柴米牛羊房屋床榻器皿等物 故

新寧伯譚裕母楊氏奏裕無後乞以廢子佑襲封

伯爵詔以佑年幼未宜襲爵姑令月給米十石優

贍之 夜月犯井宿東第二星

丁未 哈密忠順王倒瓦塔失里遣使臣劄力虎赤黑牙

思等烏思藏等處番僧刺麻簇克也失等來朝貢

馬及方物賜綵幣等物有差

召鎮守保定等處右僉都御史祝暹還京

命叅贊揚州等處軍務右僉都御史陳泰兼巡按保

定等處六府地方及提督各衛屯操巡撫永平山

海等處右僉都御史鄒來學兼提督所轄各衛所

屯糧俱賜

勅諭之 戊申

陞山東按察司副使俞本為山西按察使 少保

兼太子太傅兵部尚書于謙言比者戶部奏各營

操練馬匹不與草束然軍士艱難草價騰湧况兵

務方殷虜情未定急有人馬宜令仍舊給草事下
戶部議請自十一月初每馬一匹月支草十五束
餘令自辦從之

庚戌

命總督邊儲參贊軍務右僉都御史李秉兼理巡撫
賜

勅諭之太僕寺少卿王仕儁言訪得各處巡撫官
考察州縣官多憑里老呈說可否以為去留是以
除稂莠而保嘉禾去泥滓而潔泉源者固意也柰
何人心狡黠法出奸生利反成害近聞里老多因

前官從容往來囑托公事結攬收物營求推辦害
衆成家積有歲年而代者間有端已臨民持廉執
法革去此輩輒怠怨恨茲因考察反將廉正官員
捏無作有指虛成實一槩具呈其巡撫官所臨州
縣飛風電過不及覆實因而黜罷州縣官員恐被
誣陷一聞考察將臨盛設酒席邀求里老垂泣對
訴賄以錢帛以此多得保番否則去之殆盡是足
里長乃有權之有司而官員乃有制之里老及無
籍刁民亦緣此而告害者多矣不惟使見任者不
能振作恐代者雖稱廉介亦將聽命于里老因而

猫鼠一家姦犬同害則民之增害其可勝耶今各處正當考官之際誠恐其弊多有似此乞勅該部移文各處巡撫官員將已考察黜罷之中如有平日不阿里老而見黜者即為分轄仍俾復職以屬庶耻之風如有貪懦等項實嘗賄求里老保番者體實仍舊黜為民以為貪懦之戒并坐里老誣告者罪及自後考察不可一一專憑里老百姓呈告務須從容設法採訪或在此而詢諸彼或稠人中而審一人或獨步暗行或問道路之父老田野之匹夫或臨有司而復詰問者皆范延賞過萍鄉

入其境觀其田無荒蕪橋道完固入其邑市無賭博聞更鼓分明即知張希顏為好官是未嘗拘拘咨里老而知其賢也若動以百人迎送則路野老望見驚避不惟招之不至縱致之亦寧得其情哉誠如臣所言訪察則官之賢否得失俱能洞燭無疑亦不墮于區區里老刁民之愚弄矣事下吏部議少保燕太子太師吏部尚書王直等覆奏宜移文考察官員仍遵勅書事理同心考察及以任儒所言斟量体訪附協與論

官軍馬五百匹

壬子

魯王肇輝以賜諸孫冠帶婚配及遣差祭男嬪諸子欲率諸孫赴京謝恩復書止之

封西天佛子大國師班丹劄釋為大智法王

賜以

誥命提督遼東軍務左副都御史寇深奏以故指揮僉事李芳子廣儀為定遼左衛指揮僉事及儀替過指揮李百戶鎮撫王全等共八十六員遵所

奏

勅旨也

癸丑

調錦衣衛帶俸署都指揮僉事李鑑羽林前衛帶

俸都指揮僉事李縉於貴州都司鑑任司事縉帶

俸聽調戶部奏宣府急缺料豆已開中監糧會

計尚少五萬有餘諭軍民司諭軍民官舍餘丁有

能赴宣府城倉納豆一千石總旗八百石小旗九

百石俱授百戶本衛支俸管事子孫世襲當該吏

納三百五十石辦事吏納四百石各照例冠帶依

次出身但納五萬之數足即止不納從之

甲寅

通渭王範暨奏妃父李綱維蒙授以西城兵馬副
指揮然本官貧窘乞如叔襄陵王妃鍾鐫例改授
典仗善膽從之 九刺太師也先遣使臣察占等
未朝貢馬且奏求中國使臣往未和好
詔曰正統年間因遣使臣未往以致
宗社傾危今只聽其自未朝貢以禮待之可也仍諭
沿邊總兵官操習士馬以防寇 以廣西柳州桂
林等處勦殺蠻賊功陞賞都督僉事武毅署都指
揮使事都指揮同知范信并官軍總甲人等有差

乙卯

命叅贊宣府軍務右僉都御史李秉提督軍務以巡
按監察御史張鑿言宣府重地宜如遼東大同事
例隆其委任故也 益陽王豪璣未嚴封時止給
歲祿米五百石至是遼王為請全給歲祿一千石
米鈔中半兼支從之 夜有流星大如杯色青白
出大東行至天紀星

丙辰

秦王志潔奏比者本府火災庫物俱已燒毀緣沂
陽王未婚禮儀無備詔陝西庫藏中以錦段紵絲

紗羅綾紬各十足鈔萬貫給之

命右都督孫鏜充副總兵都督僉事石彪充右叅將
俱往大同糧協同總兵官定襄伯郭登鎮守彪代
叅將都督許貴守備西路宣府左叅將楊能充副
總兵都督同知衛穎充右副總兵陞都指揮使張
欵署都督僉事事充右叅將俱協同總兵官都督
紀廣鎮守宣府宣府右叅將楊信充左叅將仍守
備懷來永寧等處罷都督許貴都指揮使潘興叅
將俱全聽郭登調遣時聞也先謀南侵少保燕兵
部尚書于謙等請備遣將以飭邊防備戰守故有

是命

勅少保燕兵部尚書于謙武清侯石亨安遠侯柳溥
右都督張輓楊俊左副都御史羅通署都督同知
郭振馮宗曰即今隆冬各營軍士寒冷俱全暫且
住操照舊五日壹次下教場聽爾點閱不許頭目
乘机賣放及營幹家事妨廢生理致下人怨恚尔
等其欵承毋怠

丁巳

荆王瞻垞以明年正月欲赴京朝覲復書止之
命山西石叅政葉武協贊守備獨石等處都督孫

安軍務盛時督糧宣府右僉都御史李秉言安軍
務缺官協贊而盛請練邊事故命之守備倒馬
關署都指揮郭賓既為鎮守右僉都御史祝暹案
其罪復為總兵官廣寧伯劉安發其索軍賂命
巡按御史收問之
戊午
添除山西太原府保德州倉副使一員從山西按
察司副使葉德奏請也直隸鳳陽府潁州太和
縣奏今春雨雪連綿二麥無收秋又積雨湖水泛
漲粟穀麻豆等苗湮死殆盡直隸安慶府望江浙

大江台州府黃巖湖廣衡州府常寧耒陽衡山衡陽
桂陽長沙府安化瀏陽醴陵寧鄉攸辰州府溆浦
永州府道州寧遠等縣各奏今歲夏秋旱甚田禾
無收乞蠲稅糧命戶部遣官覆視四川綿州奏
本州西岔河名飲馬池以通大江數敗堤岸請率
民修築從之兵部右侍郎翰林院學士兼左春
坊大學士商輅言曩者大學士陳_循等以本院孔
目馬昇九載任滿保陞檢討仍無其事_已經一載
然檢討國師之職孔目首領之官以纂修之職兼
案牘之事甚非所宜乞勅吏部別選孔目俾昇止

任檢討庶職務不紊休統得宜從之

無如已歸與諸君之

本所由為所成海國出知

無如已歸與諸君之

本所由為所成海國出知

無如已歸與諸君之

本所由為所成海國出知

無如已歸與諸君之

本所由為所成海國出知

大明英宗睿皇帝實錄

大明英宗睿皇帝實錄

癸帝邠庚王附錄

景泰三年十一月

已未朔

日食

太上皇帝居南宮

帝御

奉天殿受之給賜親王文武百官頒行天下先是本

監以是日日食請改日進曆

詔不必改

命左軍都督同知范廣署掌本府事以右都督孫鏜
出鎮守大同也 巡撫江西右僉都御史韓雍等
奏江西所屬今歲多被旱傷臣等奉

旨勘實吉安袁州府廬陵宜春等十三縣并瑞州府
上高縣旱甚稅糧宜全免臨江瑞州府清江高安
等五縣薄旱宜免十分之二已令所司依擬減收
事下戶部覆奏雍等所言共免糧米五十餘萬兩
京供給果何所資請改全免者令免五分五分者
令免三分三分者令免二分免二分者令免一分
從之 傳檄屬全都司所屬衛所并隆慶廣昌等州

縣軍民借過賑濟銀糧以本處災傷無收從提督
宣府軍務右僉都御史李秉奏請也

庚申 冬至節遣官祭

長陵

獻陵

景陵 免文武百官行慶賀禮以先日日食故也

命未歸嘔罕河衛指揮同知阿哩哈仍原職故右城
衛指揮僉事互半哈子兀哩安赤者帖列山衛指
揮僉事刺不塔子牙郎加蘇父職帶俸遼東金州

衛兵部右侍郎李賢奏臣奉命考察四川有司
官員於凡耄疾昏庸行檢不飭為民病者已具疏
聞今訪得按察司副使胡淵僉事高澄俱持心公
正操行端潔乞勅吏部重加詢訪斟酌高下量陞
一職庶各展所長惠利一方以為持憲者勸
辛酉

書諭岷王徽燦曰得奏以武崗州去苗賊所在僅
六七十里恐後被其侵害欲移府于湖廣善地具
悉但祖宗分封已有定制為子孫者當世世遵守豈敢輒

遷况蕞尔苗民何能為後來患叔祖宜鎮靜以居
無過慮也左副都御史劉廣衡言奉命考察胡
廣布政司等衙門左叅政等官蔡錫等凡七十餘
員其老疾庸懦或貪污不才悉具疏聞起送赴京
乞吏部黜遣從之 瓦刺太師也先知院伯顏帖
木兒頭目阿次帖古迭兒寧王撒因字羅大同王
阿把把乞兒副樞虎禿不丁答刺罕等奏求裝成
白紙薄并黃紫大紅織金九龍段疋黃紅綠段衣
服金壺金碗各色藥丸藥材顏料藥器帳房雨衣
鉄站鉄佩刀等物礼部奏黃紫大紅織金九龍段

疋黃紅綵段衣服金壺金碗係

上用之物佩刀鉄站等項係應禁之物俱難給與其
餘藥材顏料等物宜令司禮監依教給賜從之也
先又別為其國師三谷失哩番僧撒灰帖木兒等
奏求僧帽僧衣佛像帳房金印銀瓶供器等項俱
不允

壬戌

復除翰林院編修黃諫言親喪服闋故也

命湖廣東鄉五路安撫司僉事單暹子得勝代職
給五軍營官軍馬七千五百匹戶部奏四川都

司布政司及所屬府縣掌印管糧官不以邊儲為
重應起運貴播等州秋糧負欠三十三萬有奇請
任俸糧從之

金星晝見于巳位

癸亥

鑄給巡撫宣府關防從僉都御史李秉請也
巡撫山西右副都御史朱鑑奏戶部原定原例山西
民能出米八百石或穀二千石助官者給與冠帶
緣山西民艱難其富實大戶亦止能出米四百石
事下戶部改擬能出米五百石穀一千石亦給冠

帶出身半者立石旌異從之

甲子

擢庶吉士張永為禮部主客司主事

賜死刺也先使臣大尉中都察帖平章哈只阿力等

二千九百四十五員宴于禮部肅王瞻焯被

盜擄善揭告示諭軍民獲賊者賞以銀馬自首免罪

仍給以賞陝西巡按御史史願奏長史楊威不能

以法諫止王祈恩宥減罪不允提督宣府軍務

右僉都御史李秉初守備獨石等處內官于勝日

擊鷹引犬構事虐人宜徵回京

詔曰守邊事重難遽如秉言命巡按御史覆奏

之

乙丑

給襄王瞻塔湖廣襄陽等五縣無糧空閑山地一

百頃先是王請此地下戶部移文勘實至是湖廣

布政司襄陽等府縣具圖其狀以聞故給之以

天壽山

長陵等衛包砌土城畢賞管工軍民官各鈔二百貫

軍旗人匠各鈔五十貫總兵官武清侯石亨言

臣素無勇智言不能服衆計不能謀遠撫恤無方

戰陣無法况患暗風不便騎射倘遇敵豈能決戰
成功伏望
皇上勅廷臣推選智勇命為總兵臣或隨朝聽調或
放歸田里以全殘喘

詔曰

朝廷以卿老練托付重任尚勉圖國事所辭不允

丙寅

陝西按察司副使白圭為浙江布政司右布政使
浙江按察司副使羅篪山東僉事古鏞俱為本司
按察使湖廣副使陳質為山東布政司右參政福

建僉事曾蒙簡為湖廣左參政知府高安為浙江
右參政郎中梅森為山東左參議寺正陳雲鵬為
右參議員外凌志為湖廣右參議監察御史余謙
為山東副使黃譽馮節俱為浙江僉事余復為江
西僉事徐彬評事吳宣俱為湖廣僉事調山東右
參政韓弘于浙江布政司四川右參議徐璟為山
東布政司四川僉事劉益于山東按察司免大
名廣平順德三府所屬開州長垣南河曲周等十
五州縣被水滄沒無收田地五千六百餘頃秋糧
并棗樹課米三萬六千餘石穀草四十八萬二千

七百餘束監鈔十六萬六百餘貫

丁卯

帝以

仁宗昭皇帝音容見於夢中未御衮服遂置衮服一

嚴遣太監尚義祭告于

獻陵既獻而焚之

四事一近例各都司衛所管屯官屯糧不完者在

俸推徵切恐各官畏此正當徵收實緣別差推托

誤事乞令各都司衛所每年將管屯官職名造冊

送部屯糧未完不許別差一宣府獨石馬營用糧

浩大雖已召監商上納米豆然以路遠久無完者

切見懷來城內原有空倉七十餘間乞增蓋一二

十間可積糧十萬更定則例令監商於北上納道

路近便納者必多一宣府長安嶺鵬鶚堡赤城雲

州獨石馬營龍門八衛所每歲有旗軍一萬六千

餘名採草各衛自委官收放數目無考作弊滋甚

乞令八處各立草場總銓官攢屬陰慶州管轄收

草則奸弊可革一邊城馬匹月給糧豆軍士多尅

減糶銀私用不顧馬匹瘦弱乞令戶部出榜禁約

仍移文總兵鎮守提督叅贊等官捕獲懲治疏下

戶部覆奏以總設官攢管草恐誤支給宜於各城
堡官倉添除副使壹員管草為便餘皆可行從之
華直隸永平府所屬涿州并昌黎樂亭二縣三
河泊所歲課各令本州縣帶管從提督軍務右僉
都御史邵未學奏請也

戊辰

賜周府新鄭延津長葛三郡主并儀賓何通李進
吳昇三人

誥命太子太保兼刑部尚書俞士悅言兵部有國
之大事

朝廷養軍於無事之時正器用之于有事之日也此
者臣點視各營軍伍自總兵而下私縱後占動以
萬計輩輩之下尚爾其他在外可知臣曩任御史
之時凡問私役軍人者俱照榜例重罪以故人不可
敢犯乞

勅兵部申明舊榜嚴加禁革又言昔蕭何入關首收
圖籍曹彬下江南回載圖書後世皆稱其賢為治
之要固不可無圖籍冊文卷可查止憑自具數目
若有欺弊何由得知乞令兵部自今將軍馬數目
造冊二本一進內府藏收一存本部備照詔是之

下其章於兵部然率寢不行免直隸保定真定
二府所屬安州晉州等二十三州縣今歲水滄田
畝秋糧米八千九百二十餘石草十七萬三千三
百餘束從鎮守僉都御史祝暹奏也戶部郎中
汪潁等奏奉

命撫安山東淮安徐州等災傷地方切見數處人民
戍役繁興迭遭湯火不聊生况復應徵糧草馬匹
顏料之類追逼急如星火乞勅該部量^與停罷事
下該部集議言買辦藥材宜從潁言停止往口宜
支給官錢買紬從之貴州右副總兵右都督方

瑛^言臣等累率官軍追勦白石崖等賊苗賊擒斬二
千五百人招降四百六十寨地方遂寧然慮賊叛
不常議留雲南四川土達官軍一萬二千分守平
越都勻威清永寧諸處其餘令還衛休息更番調
守事下兵部議行山東都指揮僉事朱信坐嚇
取財物贖徒還職

已巳

太上皇帝萬壽

聖節禮部請令群臣詣延安行朝賀禮詔免禮陞
兵科給事中劉靖為刑部右侍郎先是清往湖廣

貴州等處叅贊軍務勦捕苗寇少保于謙嘗奏其
功至是以寧息召回故有是命 九刺也先使臣
察占等續進馬匹貂鼠皮玉石等物命辦其等第
給賞

庚午

襄王瞻墀以景泰四年例當朝覲欲詣京行禮復
書止之 提督宣府軍務右僉都御史李秉舊時
宣府待臣及內官飲食皆出衛所科斂今宜官錢
買辦從之 太子太保兼右都御史王文會同南
京五府六部都察院各堂上官議事以聞 一正統

十四年選南京錦衣衛舍人餘丁四千餘名操備
每人月支米五斗後續選五千三百餘名未支米
今議原支與未支者俱月支米三斗照舊操備一
南京各衛駕舡軍餘每次差遣舊有行糧後各任
支今擬往回兩月者人支米八斗半年者人支米
二石八斗一南京各衛差千戶一員帶領旗軍巡
撫多至三四百人擾害軍民今議止選廉能官五
員三月一更專巡捕盜賊及妖言惑衆重事其餘
聞毆姦淫等事俱從兵馬司自理一南京上元江
寧二縣舖戶累年借銀買物送官公用應給鈔一

千五百二十餘萬還之一向無鈔可給今議將應天府太平池州安慶廬州揚州鎮江府和州并江西九江府所屬巡檢廬折納蘆柴并折納均工鈔俱送官收貯支還一上元江寧二縣人戶洪武中撥住房屋今多焚毀倒塌而辦房鈔者如故宜移文委官勘實除豁一南京光祿寺新添酒戶五十名不無濫占今議戒除三十名以便民一上元江寧二縣有丁盡戶絕軍人保結至三四十次未與開豁者今議曾經保勘十次者^以上者除之一南京驍騎等衛所屯^田用景泰元年水旱災傷勘實奏下

戶部不與開豁但令俟景泰二年徵一半三年徵一半緣今年^上詔免元年負欠秋粮若又催迫上奉

聖恩今議依

詔書停免悉從之先是山東六月雨壞大嵩等二十餘衛所城至是詔修築之

辛未

致書慶王秩堦曰承諭以冕服俱鈔所造欲易以

紵然此

祖宗定制不敢擅改所言典寶等官缺員欲以內使

等陞除悉如所擬。陞廣東廣州後衛指揮使徐寧惠州衛指揮僉事張通清遠衛指揮僉事尹通俱署都指揮僉事事分守瀧水德慶等處地方從總督兩廣軍務太子太保左都御史王翱奏請也。江西右布政使吳順以孫綽為寧府郡主儀賓援例乞退休從之。

壬申

以京城內外盜多詔擒獲者無首從俱處以死能自首或陳同盜者免罪仍給以不首者家貲之半

癸酉

命成安侯郭晟為正使兵科右給事中王該為副使持節冊封東城兵馬指揮司副指揮張斌女為涇陽王祁鏡妃群牧千戶所副千戶呼斌女為朝邑祁銘妃。調左軍署都督同知馮宗於右軍都督府以掌右府事安遠侯柳溥奏本府缺官改也。

兵部左侍郎翰林院學士兼左春坊大學士商輅奏各邊操守官軍寡弱艱難夫寡弱則不能戰艱難則不能守聞口外田地廣饒多被勢要之家占耕收利入已其軍士非但無力耕種亦無近便田地可耕衣食既不給氣沮蹙喪安望其能守也。

乞命戶部選能幹官分往大同宣府懷來永寧等處會同都御史等官將田盡數撥與軍士令其分爲兩番六日操守六日耕種收成之後併力倍蓰如此則轉輸之費可省又豈有寡弱艱難之足慮哉奏下戶部覆奏云此事之便本部亦屢言之後因沮抑不行今輅又奏請勅左副都御史年富右僉都御史李秉提督管糧官民叅政副使王庾張貴一如所奏覆實行之敢有沮壞邊事者聽各官奏聞區處從之

免山東布政司都司所屬并直隸淮安徐州等處

今年水災田地稅糧子粒八十四萬三千六百餘石

甲戌

命順天等府并山東山西等布政司撫恤逃民免糧差五年軍丁匠役俟三年後解補從太子太保燕左都御史王文奏請也 潘王佶焯奏臣原封武鄉王後罷封潘王爵有妃韓氏仍用武鄉王妃冠服轎乘儀仗未經改造詔

賜妃冠服其轎乘儀仗俱仍舊 監察御史吳遵受爲事官銀三百餘兩謀爲復職事覺 命錦衣衛

收問當贖徒詔特戍邊衛總督兩廣軍務太子
太保左都御史王朝奏廣西軍民正統十四年至
景泰三年折銀鈔一向官軍無鈔支給緣軍士連
年征哨蚤賊不得休息軍器損壞亦是自修十分
艱窘切見廣西布政司官庫收贓罰銀銅錢絹布
乞依時價折鈔與軍如或數少乞支糴糧銀補足
事下戶部議贓罰糴糧銀俱不宜輕支宜支銅錢
布絹其有不敷宜將湖廣金沙州江西湖口縣二
處舡料課鈔三百五十七兩貫運赴廣西布政司
將直隸揚州淮安二處舡料三百萬貫運赴湖廣

布政司以備各處官軍月糧折色支用從之

初命歲時致祭

孝陵

懿文陵茅處制帛俱于南京司禮監閣用
命設桑林山衛指揮同知亦剌兀子木當哈哈兒分
衛指揮僉事阿牙子必魯哈俱罷職陞番僧禪
師壽歲為廣善慈濟國師賜

誥命僧帽僧衣銀印以奉使烏思歲有功也

江西右僉都御史韓雍奏戶部原定則例江西民

能納米一千二百石於官者給冠帶六百石者立
石免粮緣今江西民艱難乞減則例戶部請令出
數一千六百以上者給冠帶六百者立石免粮從
之計府軍前衛帶俸都指揮僉事孫繼宗乞命
翰林儒臣撰述父會昌伯碑文從之山西按察
司副使章繪奏軍官多縱勒妻妾與人通姦喪廉
耻壞風俗宜例以敗倫傷化削職為民從之

丙子

命歲給岷王徽燦祿米一千二百石提督宣府軍
務右僉都御史李秉言萬全所屬衛所歲造軍器

先以物料缺乏軍士難詔暫止之今所乏如舊而

難難銀愈甚請如先旨詔又言宣府沿邊屯種皆

有土堡遇警軍士可保其身比遭虜寇侵掠遂皆

廢馳請

勅萬全都司率各衛所軍士仍前修築用便屯種從

之

丁丑

陞羽林前衛帶俸指揮使重璠為都指揮同知指

揮僉事房名為指揮使副千戶姚勝為指揮僉事

金吾右衛帶俸指揮僉事孟洪為都指揮僉事追

論其父兄陣亡故也。仍給神機營選操餘丁月
糧六斗從太子太傅安遠候柳溥等奏請也。增
給沿邊寺子峪大安口等三十四營操守軍。月
糧有家小者米八斗無者六斗從提督軍務右僉
都御史鄒來^學奏請也。

命在京人買瓦剌使臣馬匹內有印官馬許令首官
給還原價時永清右衛軍表信用布一百七十疋
買使臣馬一匹驗有官印自首故也。有是命。兵
科給事中蘇林奏。遼者也。先遣使朝貢及來市易
有騰驤左衛百戶李鎔兒直隸易州民張忠各于

會同館買馬識其弟李滿倉并妻楊梅兒在其中
蓋先為所掠以去。今由帶來鎔兒忠各乞取贖完
聚臣等計令使臣二千餘衆帶來被虜人口必多
豈但二人而已。此皆中國生靈。豈非^非。
朝廷赤子不知之則已知之則豈忍視其挾來而後
去哉。乞令通事昌英等宣布。

朝廷大德厚加賞賜取贖完聚錦衣衛官校又体察
得帶來原擄者男子張洪^等六十八名婦女楊氏
妙連等三十口。

詔禮部同通事者。

諭使臣每一人與絲帶二表裏贖回然虜情誦詐初
雖言脫脫不花王并也先令帶去人口俱送還各
家入館尋認皆匿之不發得贖者十不二三云
少保兵部尚書于謙奏五軍三千神机等衛各有
總兵等官又有臣願其間不免彼此牽制難于行
事且洪武永樂以來原無總督之稱迨因邊務警
急令臣兼領其事此蓋一時之宜而非經久之法
臣猥以書生不通世務于兵家進止之法攻守戰
陣之謀一無所知以臣總督非惟總兵不得專權
抑且下人無所取法即今虜情未定將任宜專苟

他人得以分其權則將臣不能展其蘊進退之計
安危所關况臣權勢太重亦當貶損臣見石亨累
疏辭免因思正統十四年賊寇侵犯之時事勢擾
攘人心危懼士卒未練鎧仗未備亨於此尚能戮
力却虜况今日士馬操習頗久器械頗備國勢尊
崇人心已定

朝廷於身爵祿足以酬勞位望足以服衆權勢足以
馭下而拳拳以不勝其任辭免盖有臣以為之軒
輕也豈可以臣之驚純而使不得行其志也若因
循誤事萬死莫贖乞解臣總督之命其勉副委任

毋容固辭。懷來永寧等處右叅將都督僉事楊
信奏。危刺也。先先以已遣使臣察占等二千餘名
赴京進貢未回。今又遣韃靼一百五十餘人馬二
百餘匹到邊。稱係也先遣來進貢。十五日入境。又
稱有朵顏等都指揮羅干遣達子及塔兒等七名
亦已入境。十七日又有使臣阿力等九名經過。懷
來稱欲赴京報捷。臣等議得賊情多詐。屢遣人未
假以通好為名。其奸詭之心誠難測度。請乞嚴督
官軍擺列。剋期待送。赴居庸關及通行沿邊嚴謹
堤備從之。

時戊寅

四川馬湖府僧綱司土僧本松來朝貢馬騮絲帶
等物。以松潘衛擒殺雪兒卜等寨為惡賊首卓
勞等賞都指揮周貴等各鈔一千貫絲段三表。襄
指揮徐昇參議張如松等各鈔八百貫絲段二表。
襄平戶等官各鈔六百貫絲段一表。襄百戶等官
各鈔五百貫絹三尺。旗軍人等各鈔三百貫絹布
各一疋。內張昇等二員生擒賊首俱陞一級。海
西弗提等衛故指揮及出子滿皮卜令哥并女直
答莽加等三名各率家屬來歸。命滿皮卜令哥等

龔父職吞莽陞頭目俱于遼東復州衛帶支半俸
賜鈔布龔衣有差仍命有司給與牛羊柴米房
屋床榻器皿等物鎮守真定等府右僉都御史
祝暹以病乞還京調治命還原籍調治痊日仍
未聽用廣靈王府霍山縣主卒遣中官致祭命
有司營葬巡按直隸監察御史劉孜言南京大
理寺卿薛瑄學有源委行飭諸躬進無所求退無
所累賢君子之儒不宜置之閒遠乞召回京供館
閣之職俾之講學輔德必有益裨
詔曰內閣乃

朝廷機密之地其職非常人可保素未簡在邊難任
用姑已之
已卯

寧化王美壤臨泉王鍾鏐俱以受封奏欲詣京朝
覲各復書止之太監陳公杖死兵仗局百戶朱
成具有驗命執公鞫之鎮守陝西刑部右侍郎
耿九疇奏陝西比歲旱傷無收邊糧不足乞令陝
西三司并所屬自命所問罪人有文職官吏知印
承差舍人犯贓應擺站者俱發涼州倉納米贖罪
以給邊儲事下戶部覆奏從之

庚辰

命大理寺右少卿張國柱山東督捕盜時山東水滂
民多流離為盜巡按三司數以為言故有是命
勅鎮守宣府少監栢玉僉都御史李秉總兵官都督
紀廣楊能等曰近訪得九刺使臣察占等帶來在
館盛甲腰刀弓箭把鏡等物每件有至二三百以
上者此必初入境時沿途軍民貪圖微利潛賣與
之今後務須關防敢有與之者体察得出重罪
不饒尔等俱欽承之 亦力把埋地面回回使臣
哈馬魯丁等續進玉石四百塊重三千八百二十

二斤禮部俱驗不堪悉收之每二斤給賞絹壹

足

壬午

許王見溥薨禮部奏請依親王禮葬祭詔以壬午
幼宜從減省不用謚冊僧道修齋送葬俱免香燭
等項內府該衙門出辦皇親駙馬文武衙門俱免
祭各王府免進香凡遇祭祀御祭一壇用牲醴其
餘各壇俱用素祭

賜哈密等處使臣哈的馬黑麻迭力迷失等并海西
亦兒古里等衛野人女且幹罷等八十八名宴

兵部言虜酋也先等雖遣使入貢又糾率大衆及
結連朵顏三衛人馬屯我近邊北其奸計難測謹
議禦寇安邊十一事一令宣府大同等處鎮守總
兵官嚴督邊備如有賊情或設伏邀截或暗掘坑
陷使賊不得深入一令黃花鎮居庸白羊紫荆倒
馬鴈門偏頭等關口守臣躬親巡視各隘口溝塹
修濬高深以固屏蔽一密勅遼東永平山海鎮守
總兵官預選精兵三四萬嚴加訓練萬一京師有
警調來策應一或賊虜不敢侵犯京師由紫荆倒
馬突入真定保定臨清河間東昌彰德衛輝諸處

剽掠宜預選五軍神機等營官軍一二萬分委知
命兵將官管領操習果有警報調去各城出奇截殺
一大同為山西藩籬宜令山西鎮守等官預為區
劃于何處積糧令何官領兵或兵備足用與否奏
聞區處一臨清德州二處缺官提督操守宜令山
東三司巡按御史選委都指揮二員使領其事一
河南山東流民宜令巡撫巡按三司官先事防隄
勿令生變一宣府大同等處關中鹽糧并收糴糧
草斗額頗重趨之者少宜令戶部計議量減量招
中納以足邊儲一近議得使臣去後京師調官軍

二萬馬一萬往懷未駐劄以備乘應宜令戶部區
畫糧芻一宣府等處隨操官舍軍餘多有隱瞞不
報宜令僉都御史李秉等查訪選送副總兵楊能
等訓練勦賊一大同并山西二路各城堡軍馬數
多糧儲有限倘京師調兵策用費用尤大宜令山
西巡撫三司量運糧料收貯備用悉從之
給岷府審理紀善奉祠典儀四所印信
癸未

命瓦剌也先等臣察占等進貢馬俱照陝西行都司
存留馬例每足給賞紵絲一疋絹七疋折紗絹一

匹以建巡撫四川左僉都御史李匡下獄初四川
鎮守內官陳洎御匡行事不與謀遂同三司交疏
匡為播州反賊治以講和遂致其愈肆劫掠索都
指揮徐海賂不得削海部伍收被虜子女踰五十
人勒取土官金銀累千百兩草塘戰賊妾以功報
於是徵匡至京少保兼兵部尚書于謙六科十三
道交章劾匡素行不矜弄權舞智旁若無人三法
司鞠之匡具狀但不伏貪污罪命錮之刑部而移
命文兵部右侍郎李賢覆焉時賢考官于四川也
夜客星見於鬼宿積尸氣旁徐徐而行

命故彭城衛指揮同知金能弟榮旗手衛指揮同知
包榮弟犯金吾左衛指揮僉事劇斌子通俱罷職
致仕府軍衛指揮同知周海子英羽林前衛指揮
同知劉斌子玉指揮僉事張能子勇府軍前衛指
揮僉事王政子瑪俱代職定直隸等處罪人納
未贖罪地方保定真定順德府衛所屬俱倒馬關
河間大名廣平府衛所屬并順天府霸州等州縣
俱紫荆關其則例悉如右僉都御史鄒未學所奏
雜犯死罪九十石三流并徒三年七十石餘徒四

等違減十石杖罪每一十二石答罪每一十一石
從戶部奏請也巡按直隸監察御史張臺奏萬
全都指揮徐綱齊廣罪綱肆培尅廣縱軍人掠境
外俱命俟未春鞠之

丙戌

命南京後軍署都督僉事蕭能署掌本府事以掌府
事駙馬都尉沐昕有疾致仕也給三十等營官
軍馬一千五百匹以廣西臨林永福等縣桐古
市等巡檢司殺賊功賞百戶并巡檢各鈔五百貫
絹三尺旗單各鈔三百貫絹布各一疋從總兵督

督僉事武毅請也。前軍右都督湯俊言今之所
急莫北虜比。往時酋長尚在東西諸番未附然
取獲而歸今則眈眈不花王既為所殺悉有其衆
而東自女直兀良哈野人西自蒙古赤金哈密皆
已受其約束此其包藏禍心窺視邊境直須時而
動爾聞其妻孥輜重俱在哈刺莽未去宣府總數
百里其精壯屯于沙窩尤為至近今沿邊閑塞如
大同宣府懷來遼東山海永平寧夏延綏甘涼莊
浪等處宿兵不下數十萬臣之愚計以為險阻量
留守禦其餘壯餘選彼處老成謀畧將官統率迤

西者悉赴代州等處綠練迤東者悉赴永平等處
操練于在京選調人馬申明股肱大臣以為統師
赴大同宣府會令所在人馬列營而守以為正兵
其永平所操人馬赴獨石一帶按伏代州人馬赴
偏頭關一帶按伏以為奇兵我於是或拘絕其使
以激其怒檄數其叛逆不義之罪彼必未侵我之
正兵堅壁清靜野坐觀其變密遣奇兵日夜倍道
擣其巢穴使彼前不得進後不得顧以覆其衆彼
或察知吾謀還兵相救我乘其奔潰奇兵夾擊立
可摧敗此竇攻取勝之一機也抑臣又聞三軍之

害猶豫最大昔在有宋澶淵之役從若從寇準之議必無靖康之誨今若聞以群疑失今不治臣恐他日之患又有甚于今日者臣願

陛下重念天下者祖宗之天下人民者祖宗之人民縱敵息兵保民暫安一時寧不思祖宗創業守成之艱乎而臣等文武諸臣何面目忍耻偷生與此虜竝立於斯世乎臣父子兄弟受恩實深馬革裹屍固其分也事下總督總兵及各營大小頭自會議少保燕兵部尚書于謙等言賊虜

也先違天背德跡其所為罪惡誠兩間所不容仇耻則萬世所必報者今揚俊起調大軍勦賊誠有憂國之心但兵者國之大事

社稷危安係焉苟如俊所言急調諸路軍馬會合殺賊萬一我軍出境與我障制分犬羊由間道乘虛四散剽掠則是自撤守備固非萬全之舉燕之國家之患非止北虜東南寇盜未盡殄除河南流民屯聚俱要官軍鎮靜豈可輕內重外率意舉動且夷狄之性利於疾速不能持久去來如風雨聚散如蜂蟻得利則鳴張失勢則鼠遁乃其常態若欲糾

諸道之兵涉遼遠之境抗不測之虜將卒素不知

號令不出于一臣等愚計未見其可疏

上詔從謙等議太子太保兼工部尚書石璞疏言

邦畿千里萬國瞻依禮樂刑政昏由此出今乃盜

賊竊法發披戴盔甲懸插弓矢明火持杖公行劫掠

近聞所獲強盜俱言誰不惧死但以糧餉不得全

閔妻子飢餓難忍又聞山東河南南北直隸等處

今年多被水患小民缺食盜賊潛起雖已遣官禁

捕豈得人人盡獲福建浙江斯為可驗若不寬貸

撫綏賑濟尤恐此患甚于邊患又訪得口外邊軍

夜行日伏艱苦萬狀不可勝言今亦減去月糧若

此窘逼實非財節足用之術是乃起盜誤國之端

語曰小人窮斯濫矣諺曰禮義生于富足盜賊起

于貧窮書曰民惟邦本本固邦寧誠不可不恤矧

今胡虜雖未朝貢譎詐之心猶未可度借遇有警

將何措置昔賈誼當文帝承平之世嘗有痛哭流

涕之言今外則夷狄侵橫內則盜賊生發軍士乏

糧小民缺食尤為可痛哭流涕者矣于此之際正

當添糧加賞厚為獎勸豈可又減月糧與其減敢

死軍士之糧莫若減臣等濫叨之俸且臣一介庸

愚無補于世僭厠重任濫叨厚祿誠宜減俸以資
軍食若果不敷乞勅吏兵二部省冗濫之官去蠶
食之輩則倉庫自充軍糧亦足乞願
皇上詔蜀被災州縣稅徭暫停一應軍需仍遣一二
大臣督同各該巡撫鎮守巡按并府州縣等官發
倉賑濟設法撫恤務俾所得其文武官俸糧除六
品以下俸少不減五品以上俸祿斟酌減支量減
軍馬糧草培養士卒銳氣則兵食既足而盜賊潛
息士馬精強而胡虜不足慮也疏聞下多官集議
少保兼太子太傅戶部尚書文淵閣大學士陳循

等言河南等處已有太子太保左都御史王文及
大理寺右少卿張固在彼賑恤不宜重善軍士月
糧誠當全支而武官俸祿尤不可減文官自三品
以上宜量減其俸及令各該堂上官斟酌煩簡量
省冗員

詔曰文武官員俸祿俱不必減祿以養廉若減其俸
何以養贍餘如議
協贊軍務山西右叅政葉
盛言三事一獨石馬營各城自失守以來田園荒
蕪狐兔之跡交道戍守官軍家屬多寄住他處宜
令衛招徠撫綏舍餘人等有願採錄聽調者量給

月米三斗以資養贍一在邊總兵鎮守內外等官
將官軍縱縱後使及自出批任情差遣自今凡有
差遣宜令俱赴提督撫贊官處斟酌審驗一近因
各城缺軍將犯罪充軍者編補禁北輩畏懼邊方
將家屬多因賄脫免因無顧志輒便逃去自今例
應家屬隨任者所司務審係正身驗發事下兵部
悉議從其言
丁亥
岷王徽燦奏求祭器樂器并齋郎樂舞生厨役
詔以今湖廣地方未寧姑給一半復書諭之王都察

大院奏戶部右侍郎張睿不能防官攢偷盜倉儲者
之周王有燿薨王周定王第四子母胡氏洪武
二十五年生三十五年封祥武王正統四年年封周
王至是薨年六十一訃聞輟朝三日謚曰簡遣官
致祭命有司營塋
戊子

命錄用故誠意伯劉伯溫嫡長子孫浙江布政司言
伯溫長子璉之七世孫祿年十一歲未堪起送其
次子璟之四世孫文謙祿係嫡孫宜令候出幼
送部從之免直隸河間府所屬六縣水災田糧

三千三十二石有奇穀草四萬九千八百二十餘

東...

...

...

...

...

...

...

...

大明英宗睿皇帝實錄

...

大明英宗睿皇帝實錄

廢帝郊祀附錄

景泰三年十二月己丑朔

太上皇帝居南宮

帝省郊祀牲

不花亦力把里地面也

頭目捨刺土魯番地面也

兎速擅等頭目馬麻米兒

力虎者王姊打刺悶等頭目

地面卜刺孩王寨蘭地面

面頭目速魯壇馬黑木速魯壇牙地面頭目速兒
卜撒温阿思的地面扎尼札王捨力灣乃丁地面
速壇阿力王等阿刺母刺地面賽你阿卜丁王子
阿的罕沙并克失迷兒哈刺火州帖力蠻掃蘭等
一百二十一處地面頭目俱遣使來朝貢馬賜宴
并絲幣表裏紵絲襲衣等物仍命來使各齎勅書
大絲幣表裏歸賜其王及妃并頭目有差

詔有非應捕之人能擒獲強盜者以宣德之例陞賞
之從監察御史張鵬所言也

勅諭華陽王友輝曰比者鎮國軍將友璧奏被王積

恨深重累欲加害乞分居異地然分居固難允從
但王於鎮國將軍實同氣至親豈宜懷隙致令不
安

祖宗之訓殆不如此王自今當守禮法務全友愛庶
可保富貴於永久外提督宣府軍務右僉都御史
李秉因宣府左副總兵楊能殺千百戶私從遂劾
能叨邊寄忽武備肆貪饗且言總兵官紀廣衰憊
不能嚴號令以肅官軍宜推人望武臣代廣而建
能正其罪詔曰今邊境正當用人如搜其細故一
一治之有警誰當調命用者姑命巡按御史張瑩覆

實以聞 寧府鎮國將軍美塔卒遣官致祭命有
司營塋 夜月犯天諸王西第三星 庚寅
命前軍都督僉事薛失達台更名忠從所請也

辛卯

勅考卽兀衛都指揮使格哈及大小頭目人等曰爾
等自^祖父以來世授朝廷官爵設衛給印俾爾等管
束人民自在居牧爾等既不能効力補報朝廷乃
又結連外寇擾我^地邊掠我人口肆為悖逆論爾等
罪本難容但朝廷思同天地念爾等既能認罪悉

宥不問勅至爾等即各將原虜人口令人盡數送
赴遼東總兵等官處交還庶益前愆今後但有外
寇來侵爾等即便奮勇勦殺以除邊患其有功之
人朝廷陞賞不吝如或陽為順從陰持兩端不還
所掠人口必調大軍征勦悔無及矣 毛刺大師
也先知院阿刺等各遣頭目察占等貢馬及方物
賜宴并絲幣表裏有差仍命察占等賚勅并絲幣
表裏歸賜也先及阿刺 改大理寺右少卿陳詢
為太常寺少卿兼翰林院侍讀學士 陞直隸蘇
州府知府朱勝為江西布政司左布政使 都察

院右副都御史朱鑑老疾乞歸田呈從之 駙馬
都尉焦敬石璟薛桓上章乞分用故駙馬井源家
人

帝念源沒於王事其家止當優恤不允所請既而兵
科給事中谷茂勅敬等畧無忠厚惟務貪饕乞皆
執赴法司以治其罪詔姑宥之

壬辰

兵部左侍郎翰林院學士兼左春坊大學士商輅
奏近河南開封等府并南直隸鳳陽府等處今歲
水澇田禾無收積年在彼逃民俱各轉徙赴督寧

臨清各處趨食動以萬計有司聞其入境一切驅
逐不容潛住緣等流民轉徙已久無家可歸迫而
不恤恐生他變臣切見畿內順天等八府所屬一
百三十餘州縣儘有空閑拋荒地足以居民
勅戶部計議榜諭逃民有志復業者即令復業其
無所歸者聽於八府所屬州縣分任撥田與耕設
法賑恤其口糧種具之類或暫給官儲或勸貸富
室俟有收之際如數追償詔戶部移文河南山東
巡撫等官斟酌事宜可行則行如有窒礙從其設
法處置但求事安民安以副朕意 協贊軍務山

西右叅政葉盛奏萬全都司各衛所折俸胡椒蘇木鈔錠每歲委官赴京庫閔領近聞在京有等無賴者各為攬頭積羊邀攬各衛所委官於家通同庫官并開食店之人過庫中閔出官物俱各以贗為真鈔則易以軟爛蘇木則易以淺淡胡椒則與店戶煮去辣味及以麪糊攪入鑑屑砂土以與增斤兩物雖出於官庫利則歸於奸貪衛所官軍不蒙實惠若不痛加禁革恩澤豈能下流戶部議今後各衛閔支折俸官物本部遣主事督領各衛委官并本部辦事官同閔鈔內取十錠椒內取一

斤如法封識蘇木用印烙記令委官等領運赴各處總督邊儲都御史并管糧叅政處看驗無弊轉發各衛唱名給散如有仍前作弊將攬頭委官等執送法司追究明白悉發戍邊遠兩隣如情而不舉者罪同從之

癸巳

勅哈密忠順王例瓦吞失里曰我朝廷自祖宗以來待爾哈密恩禮極厚今爾復遣使臣黑牙思赴京進表求醫士特念爾等久居邊鄙堅守聖節保障地方悉允所請爾等宜體朕意圖報國恩

近聞中國被虜之人自北回南者多有在爾哈密
地方存任勅至爾等即遣人送赴甘肅總兵官處
交還京度見爾等忠順朝廷之意 陞廣東廣
州衛指揮僉事王賓為指揮使以坐營都指揮僉
事趙輔言賓父署都指揮僉事清死於賊故特陞
之仍命禮部給賞 總督軍務少保兼兵部尚書
于謙總兵官武清侯石亨等議選五軍神机三千
等營精銳官軍十五萬分為十營每營置坐營都
司一員都指揮三員把總都指揮十五員指揮三
十員每隊置隊官二員有警分調勦賊其餘官軍

各委頭目於本營訓練守備京師命太監阮讓陳
瑄盧永都督楊俊郭震馮宗提督讓震四營瑄震
三營永宗如之俱聽太監劉永誠吉祥謙亨等約
束調遣 浙江等十三道監察御史練綱等言虞
舜聖君也好問好察而用中于民成湯賢君也日
新又新而常若不及當時輔弼之臣豈有聖如虞
舜而賢如成湯者哉蓋聖賢圖治之心不自滿假
以為不如是無以廣天下之言求天下之善也
皇上稟不世之資為中興之主孜孜以圖治為心求
言為務今日命諸人直言無隱明日許諸人各陳

所見是即虞舜好問好察成湯日新又新之意也
圖治如此求言如此而邊境尚有未寧虜情尚未
能定臣等忝居耳目職當言路豈可不整一得之
愚以答以之獻者於蓋望賢圖治之不自備以
陛下求言圖治之盛心乎謹以所言事宜條列以聞
一曰節糧儲以養官軍國之所賴者兵兵之所賴
者食安食既足則外患無虞虞逆者朝廷以邊儲為
急許官民人輸米授官有軍民旗校陞千百戶者
有千百戶陞指揮者惟此等之人俱以家道殷富
但圖其職不計其祿乞勅該查部勸各處納米陞官

者仍食舊日俸精其富民納米授以文職者止月
支食米一石各衛所女戶免差操者暫任支月糧
俱候邊患寧息之日照舊關支則糧儲足而軍民
得其養矣二曰賞邊士以蓄銳氣邊關乃國家之
保障衣食乃軍士之本源衣食不缺則邊境可固
通者朝廷賞賚在京文武群臣及監生吏典旗校
人等惟守邊官軍未蒙恩賜每年雖有冬衣布花
之給未免衣食不足軍裝未備乞將守邊官軍倍
加賞賜仍給與衣糧使無凍餒之苦則銳氣蓄而
邊士得其所矣三曰選將卒以備調遣將在有謀

不必論其貴賤矣在精銳不必拘其多寡昔武王克商三千人惟一心是矣不在多寡也漢高祖創業得韓彭以濟事將不在貴賤也方今管軍頭目豈無謀猷出衆之人乞勅總督總兵等官揀選精兵去其老弱仍令文武大臣各舉軍賊一人不論我之崇卑年之老壯隨其所長而任使之則緩急有濟而外敵可禦矣四曰畫長策以定安攘夷虜之患雖未必其有無安攘之策必先預為處置昔周宣王北伐獫狁為中策漢武帝窮兵遠夷為下策秦始皇築城禦胡為無策未有得其上策者也

乞勅在廷文武大小群臣各陳所見何者可以安邊何者可以禦寇何為而遠人自避何為而人心自安如此則讜論日聞嘉猷日集而遠人可服矣五曰禮大臣以敦國體先王御大臣得其禮故大臣有坐不廡者不曰不廡而曰簞簞不飭坐污穢者不曰污穢而曰惟薄不脩未嘗明言其過者無他恐辱君命也哉

太祖高皇帝八議之目特別於律條之首通者在京文武大臣有罪送法司輒加蕃楚及問完之日或蒙恩而復賊或情虛而免罪送問之際何事而先

受凌辱乎乞勅法司今後大臣有犯除謀逆黨惡
情重鞠問外其餘事情必推問明白開具情由取

大自

上裁不許擅加籌楚如此則息典得以申明而大臣
有所激勸矣云曰廣荐舉以佐中興中興之治莫
急於得人得人之要莫先於荐舉然知人之難取
哲所病曩者在京三品以上大臣各舉所知以資
任用其法始行固無不善奈何行之既久不能無
魚目混珠砥礪廟王之弊今欲悉由衆大臣會舉
固未免有趨於奔競獨由吏部推選未免聞見之

有限乞勅在京一品舉布政使按察使叅政二品
三品官舉按察副使僉事叅議知府有缺不必舉
二人會議允當然後具本請

聖裁其荐舉之任上可以兼下下不可以僭上若其
人果賢能雖在親戚子弟不可避嫌而廢公如其
人非賢能雖在故舊鄉黨不得徇私而濫舉苟有
廢公徇私者並許御史給事中指實糾劾連坐其
罪則荐舉之法公而中興之治隆矣七日禁違例
以保官員郡縣之政與民最親生民休戚繫焉近
年以來在外府州縣考滿官員有尋貪恣暴華去

處求復任理事不顧廉耻私自主仗所屬官吏并
情懇粮里人等虛捏浮辭連名保番甚至具本詣
京奏保倘蒙允其所保則前所保之人結為心腹
而逞姦賣法無所不至乞勅吏部今後考滿官員
俱赴部考其稱否依例黜陟如果廉能幹辦政績
顯著許離任之後小民詣京陳言某事有益于國
某事有益於民乃行巡撫巡按等官覆實吏部然
後奏請定奪其有以鄉舊親屬輒准保奏者一體
究問則姦孽革除而無恥之徒知所自警矣八曰
清刑獄以招和氣刑者輔治之具聖人不得已而

用之也近見在京法司罪囚有累訴冤枉行勘未
報者有行勘明仍前駁勘者有提人未完停對未
結者行勘雖實仍訴冤抑者法司推避嫌疑不敢
辯理故平人被其負累文卷不得杜絕延禁連年
致傷和氣也乞勅法司會官審錄情有冤抑者與
辯明情犯真實者依律發落若情可矜疑難擅決
斷者具奏取自
上裁仍移文在外巡撫巡按官等將罪囚會錄不許
推避如此則刑獄清而和氣可召夫疏開命禮部
會官議行以沙灣河決久未成功而運河膠淺

有阻漕運後勅內官黎賢武良工部左侍郎趙崇
往理之其脩南京詹事府以年遠損壞也

定各營管軍總兵官等軍伴總兵官六十人坐營
都督及五千神机營伯三十人達官侯伯二十人
都督十人都指揮四人生營都指揮八人其餘把
總管隊指揮千百戶一人山東登州府文登縣
奏本縣今歲水漲田畝已蒙詔免稅糧其願收稅
糧亦乞從民便折徵以蘇其困事下戶部議每米
一石折布一疋或銀五十貫俱運本府官庫收貯

以俟給賞遼東官軍從之

乙未

命府車前衛帶俸都指揮僉事孫繼宗襲封會昌伯
繼宗故會昌伯忠之子也給平定縣庄并儀賓
王昭祿米如例從慶成王美靖奏請也免順天
府所屬并直隸興州前屯衛災傷地畝秋糧子粒
七千四百八十餘石穀草二十五萬一千四百餘
束晉守左衛小旗徐靖言近年中外富豪之家
納粟補官者俱實授錦衣衛此輩畧無汗馬之功
惟恃錢穀之富擢隸近侍豈服人心乞調衛為軍事

下翰林院五府六部都察院議如所言詔曰錦衣宿衛之職惟皇親及原任官可番其餘兵部查勘以聞

丙申 賜文武百官宴前陞福建按察司僉事李顯

為本布政司右叅政楊班為本司按察使貴州僉

事張淑為四川按察使監察御史趙縉為山東僉

事賞孝陵等衛官軍指揮張鑑等七千五百八

十二人鈔四十萬一千六百貫以修築本衛城堡

之功也 給紫荆關等處官軍馬一百二十八匹

丁酉

考郎兀等衛野人女直指揮撒亦哈福餘衛指揮

可台等遣顏日脫火罕朵顏衛都指揮朵羅干等

遣達子歹答兒等來朝貢馬賜宴并綵幣表裏

絲襲衣仍命脫火罕等賞綵幣表裏歸賜可台等

陞都指揮同知顏彪為都督僉事大寧前衛指

揮使劉福為署都指揮僉事俱坐營管軍從總督

總兵官于謙等奏請也

詔山西都司以兵庫所貯飛鎗運赴京師從太子太

師武清侯石亨奏請也

戊戌

暹羅國遣使臣坤昱悅等奉表來朝貢方物賜宴
并金織文綺襲衣綵幣表裏等物昱悅等奏乞冠
帶復賜昱悅等冠帽釵花金帶通事人等冠帽釵
花銀帶總管人等冠帽素銀帶岷王徽燥奏父
岷莊王薤城外東山之原臣自襲爵以來未嘗躬
詣祭掃雖遠人代祭中心歉然請於歲時節日親
臨祭掃以殫追慕之誠從之寧河王羨壻奏臣
母年老而日食粟米無以盡孝願將歲支粟米四
百石內支粳米一百石使得奉母寧下戶部議山

西布政司每歲徵粳米二千九百餘石分撥晉潘
廣昌寧化永和五府其雲丘等二十八王俱無粳
米實為不均請自今將山西歲徵粳米內除晉府
與七百石潘府與二百石餘皆均撥各王食用從
之

命五軍等營撥軍士七萬人運糧七萬石赴懷來城
倉人給銀三錢為腳費

庚子

勅董卜韓故宣慰使司都指揮使克俄羅監粲曰爾

自我

祖宗以來世守西番戍貢不缺稱為忠孝之官又稱
為迤西第一座鐵圍山近年以來屢遣使入貢蓋
見忠勤近又聞爾願將雜谷原搶占保縣管下朴
頭寨堯者木寨夕蘭寨瓦石寨金川等寨退還保
縣細糧尤見爾敬順朝廷之意今特降勅獎諭爾
自今以往益宜敬順天道尊事朝廷保障邊方庶
爾及子子孫孫永享無窮之福

命山東右布政使張鵬右叅政劉萃山西右布政使
侯復副使趙敬致仕俱以老疾考黜故也 十三

道御史陳綱等言舉用方面官事例有旨令禮部
集議吏部不候議定即奏陞福建按察司僉事李
顯為叅政楊珏為按察使蓋吏部恐議定莫遂其
姦故即爾銓注夫所舉縱皆得人亦當避嫌况楊
珏見為副使曹祥發其贓私且吏部推選多不公
如向者所舉陝西按察使何自學不能濟家為
奴所殺山東按察使張清今為尚書薛希建所黜
副使張哲未任之先亦為都御史韓雍所黜戶部
主事楊愈考平常例不當陞仍陞為河南府知府
湖廣副使陳履九年例陞二級乃止陞左叅政一

級僉事曾蒙未及一考以殺賊功例陞一級乃越
陞左叅政三級此其情弊顯然當時臣等非不劾
奏但給事中御史之內有直言觸其同類大臣者
吏部尚懷猜忌往往通其見任之賊鉗其欲言之
口所以居言路者以言為諱賊風熾者以賊自保
寧負朝廷之厚恩不敢犯大臣之一怒今吏部復
爾專權鬻爵肆行欺罔臣等如不復言則
皇上深居九重何由知其弊之若是臣等非不知觸
犯權臣禍不能免但朝廷耳目所係甚重豈可知
有權臣不知有

陛下知有身家不知有朝廷請下太子太保兼吏部
尚書何文淵右侍郎兼少詹事項文曜于法司明
正其罪文曜陰險姦邪群臣共知比之文淵情罪
尤重難佐天官少傅兼太子太師吏部尚書王直
太子少傅兼吏部左侍郎俞山素行本殊於衆今
亦為文曜等所愚失於舉覺亦宜究問乞俯從臣
言命吏部但遇三品以上大臣舉用方面等官每
次置二簿鈐以部印備書舉主與被舉陞者鄉貫
職名陞任年月於上一封進司禮監便
御覽一送翰林院備顧問俟抵任一考後政績卓異

者賞其舉主如政績無聞及犯贖事露者舉主罪
如此則舉主不容於不公而庸荐者亦思所以勉
賊業吏部縱欲如今專權欺罔徇私鬻爵亦不可
得矣

帝曰御史職居言路凡事當言今所言俱是但知人
之難從古為然已陞除者其置不問文淵文曜等
亦姑宥焉今後選官其務洗心滌慮廣詢博訪必
從公道毋得徇私

辛丑

改右通政蔣琳為右僉都御史往宣府提督軍務

整備邊儲召僉都御史李秉回京別用初秉奏宣
府總兵總督紀廣不勝其任已行巡按御史體勘
未報是廣亦奏秉專權兵部議邊務方殷而秉廣
不和如此恐悞邊計故有是命

命歲給會昌伯孫繼宗祿米本色五百石折色三百
石定廣東殺賊官軍功賞生擒賊首黃蕭養及
獲功十一次并陣亡者俱陞二級獲功五次至十
次者俱陞一級賞四川松潘衛指揮同知李鑑
鈔八百貫綵段二表裏通事方昇鈔三百貫絹布
各一疋以擒殺番賊之功也提督宣府軍務右

食都御史李秉勅宣府都指揮楊鑑索所部銀場
進貢馬勒取貢使物貨貽羞中國傳笑外夷又勅
守備萬全都督僉事江福貪淫及縱人盜使臣馬
諸罪詔俱俟來春覆治之

命歲給請江王府故奉國將軍佐誠幼子女祿米四

百石

癸卯

朝鮮國王李弘暉以襲封王爵遣陪臣李璘等奉
表貢馬及方物詣闕謝恩賜宴并金織文綺綵幣

表裡等物奏吏部洪武永樂間銓選官員俱屬本

部掌行宣德正統以來始令大臣舉保景泰初以

御史練綱等言保官徇私廷議奏允仍歸本部今

綱又言本部選授不當欲照舊例舉保蒙恩寬宥

切惟臣等愚昧素乏知人之明若徇私妄舉則實

不敢天地鬼神實所鑒臨請繼今以後方面府正

員缺本部具奏移文各衙門該保官大臣將所保

官姓名材行歷官緣由各另具聞俟下本部以憑

銓選庶所保之官行實著明而群下之議亦可少

息詔曰方面郡守務欲得人所以朝廷嘗令大臣

舉保又令吏部推選行之已久不能當今後惟布
政使按察使有缺令會三品以上官連名具保具
餘還令吏部訪求推選務從公道裁減京庫收
錄主事及戶部令吏之十一人時有言冗食者多
虛費糧儲戶部以為請故有是命六科給事中
十三道監察御史奏頃者宣府總兵官都督紀廣
提督軍務僉都御史李秉互相訐奏欲遣官代秉
回京臣等聞秉在邊日久事頗就緒軍民信服况
今邊報絡繹不絕恐代之者猝臨其地邊務未諳
人心未孚誤事非小乞令秉暫視事而遣體實詔

曰朕以總兵提督之官務協和恐悞邊事故遣琳
代秉而言官又如此言琳且不遣其令公正御史
給事中各一員往彼從公體察奏來處分少傳
兼太子太師吏部尚書王直言臣年七十有四忝
備官使四十九年已嘗累陳乞退未奉俞旨叨蒙
列聖殊恩顯榮已極而下愚不移才識愈陋師傳之
官銓衡之任實所不堪未能一真才行一善政竊
食厚祿濫廁崇班老病日加神思昏甚智窮才盡
勉強不前是以三載俱廢事乖違衆論不容御史
再發難蒙

聖明屢加寬宥臣亦何顏敢就班列若猶尸素妨賢
誤政孤負大恩死有餘責况臣所居之官實在額
外豈容^容冗濫玷累明時伏望

皇上斷以至公將臣罷黜俾歸農畝更用賢能以典
銓選則群才彙進聖治日新矣詔曰師傳之官朕
所賴者無幾卿豈可求去銓選之事知人為難朕
已具表卿但勉力為之網領副朕眷倚所辭不允

甲辰

少傅兼吏部尚書王真等言瓦剌也先遣使來賀
正旦亦宜遣使答之事下兵部及總兵等官議

保于謙謂臣等職掌兵戎知戰而已賊渝盟敢為
悖逆則當肅將天威往正其罪所言遣使之事不
敢預議詔卿等既言統率士馬以備勦賊使臣不
必遣卿等務在勉力以備不虞以圖成功

乙巳

勅赤斤蒙古^古衛都督阿速亦魯伯并頭目人等罕東
衛指揮阿黑巴把麻思結并頭目人等曰今後但
有哈密并瓦剌等處走回及送回中國人口到爾
地方經過爾等不許拘番殺害即便令人^伴送至
甘肅總兵鎮守等官處交收轉送來京庶表爾等

敬順朝廷之意已勅甘肅總兵鎮守等官俟候爾等伴送人口至日量給賞以酬爾勞爾等其欵承朕命毋忽免直隸保定府所屬安州等十三州縣水災田畝秋糧米三千四百八十餘石穀草七萬二千七十餘束及戶口食鹽米鈔

丙午

立春順天府進春

帝御奉天殿受賀賜文武百官宴

命故四川指揮僉事劉鏞姪孫芳襲為指揮使孟養思卜發遣使來貢求管孟養舊地文武大臣議

孟養地方已與緬甸決難移易賊子思卜發懷奸

挾詐展轉觀望難允所言太子太保兼戶部尚

書金濂等京畿天下之根本非兵戎無以壯國威非

錢糧無以資國計比年以來邊方多事國用浩繁

兼以水旱相仍軍民賦稅連年寬貸京倉儲積既

供京師又給邊餉支費屢增於往昔貢賦漸減於

常年王制曰國無九年之蓄曰不足無六年之蓄

曰急是誠不可不慮也臣等切見北京八府山西

陝西河南山東民多凋弊四川湖廣兩廣福建民

亦艱食惟浙江江西直隸蘇松等處古稱財賦淵

蘇乞勅此數處巡撫并三司司衛所官員及有
力軍民之家共選六千名每名令備米或麥四百
石或粟米五百石運赴通州上倉以佐國用給冠
帶以榮終身仍於本里立坊旌之庶幾高義者儲
積日富命量定米數出榜招納其不願者勿強
兵部奏奉旨查勘得欽調并納粟補官報効陞職
註錦永衛者三百三十六員詔都指揮李文所鎮
撫招賽係土人不調都指揮僉事馬顯玉喜指揮
使王琦令還武城後等原衛百戶尚數等十一人
調府軍前衛所鎮撫故等五人調武切中衛百

戶郭慶等二人調武驤右衛其餘俱調留守五衛
戶部郎中張勉奏萬全都司等衛起車三千輛
軍夫萬五千名預備接遞虜使以此各處攢運糧
草者無車不能完納乞命增給在京送虜使車輛
脚錢令徑至宣府其萬全各衛車免其送送令自
辦納雜草三十萬束內二十萬運懷來十萬運宣
府又先次召人納草給萬草貴價少無人報納亦
乞增價以來之事下戶部議宜悉如其請京車每
輛增給七錢草價每穀草一百束增銀七錢雜青
草一百束增銀四錢從之提督宣府軍務右僉

都御史李秉奏獨石馬營糧料不敷戶部議以附近順天府并直隸保定河間二府人民即今農閒欲委府尹王賢知府傅霖等督所屬委官起借民間有車大戶順天府於通州倉領米一萬八千石豆五千石運赴獨石保定河間二府俱於京倉領米一萬石豆五千石分運獨石馬營二處每石官給脚費銀六錢仍諭各屬官吏有因而料擾及侵尅價銀者事發俱發戍邊遠從之

丁未

命右都御史王來蕪大理寺卿陞保定伯梁瑤為保

定侯左都御史毛福壽為南寧伯右都督方瑛為左都督都督同知陳友都指揮使李友都指揮同知李震都指揮僉事安順監察御史焦寬俱陞一級官軍一萬六千餘人有差以征湖廣苗賊功也

戊申

禮部奏本部職掌四夷外國并各處進貢金銀器皿方物及賞賜之類舊有直房三間係吏戶禮三部堂上官每日候朝處所於內收貯各處進貢賞賜等物今危刺使臣數多賞賜動經萬計收貯不盡遂使各官每日候朝無地可處看得吏科北廊

房六間是府軍等衛帶刀上直官軍所處又有空
者乞將帶刀官軍併作三間其餘三間撥與本部
收貯各處進貢金銀方物及賞賜鈔幣絲段之類
從之此五寶殿三殿舊在武三殿前
已酉本朝殿宇四殿在國子監致書通渭王範聖曰比奏欲寬在逃內使高安并
張狗兒等罪及欲親自赴京陳情具悉高安張狗
兒等已合法司發落叔且恪遵
祖訓固守藩屏不可輕易來京新藩王估煇奏欲同
弟陵川王并世子詣京朝覲復書止之皆不許

庚戌

陝西三司朔日朝秦王出見有署於門外廊者曰
秦王五府王謀逆鎮守刑部右侍郎耿九疇以聞
帝曰此雖匿名文書當置之然涉王府重情不可不
慮命巡按御史密察之

辛亥

瀋府沁水王幼橐秦弟鎮國將軍幼壘幼壘俱有
外戚乞復其家從之少保兼戶部尚書文淵閣
大學士陳循等奏各處鎮守巡撫官為禁盜撫民
而設不可一日無近調鎮守福建尚書薛希璉於

山東鎮守浙江尚書孫原貞於福建巡撫山東右
都御史洪英於浙江考察官員事竣仍回原處鎮
守恐缺官日久乞勅各官就於考察地方鎮守為
便從之

壬子

封晉府陽曲王美垓庶長子鍾鏞次子鍾鏞俱為
鎮國將軍賜誥命冠服等物 巡撫遼東左副都
御史李純奏三萬遼東鐵嶺寺倉急缺糧儲雖累
奏招諭軍民納粟補官柰今歲田畝多被災傷米
價騰湧乞命戶部更定事例召校尉民匠人等俱

許於三萬遼海鐵嶺納米八百石米豆相兼者授
試百戶能加六百石陞一級皆註原籍衛所管事
子孫承襲及減納三百石冠帶例為二百五十石
以便赴召者從之

癸丑

秦寧等衛都督等官年干帖木兒等遣指揮孟隔
禿朵顏衛頭目朵兒干遣達子木禿干陝西平涼
衛土官百戶舍人張翽等來朝貢馬賜鈔幣綠表
裏等物有差

勅都指揮僉事王溥仍鎮守涿州及保定時有訛言

北虜入寇軍民驚恐流移故命溥往撫安之
甲寅

朝鮮國王李弘暉遣陪臣俞益名等奉表貢馬及
方物賀明年正旦賜宴并綵幣表裏金織文綺製
衣等物

乙卯

亦力把里地面也先不花王遣使臣克馬魯丁瓦
刺太師也先遣使阿老丁等來朝貢馬駝賜宴并
綵幣表裏綺製衣等物仍命克馬魯丁阿老丁
等齎勅并綵幣表裏歸賜也先不花王及太師也

先擢進士年俸鍾同周斌郭紀為監察御史以
理刑考稱故也

命戶部員外郎陳汝言夏時王事何直劉子鍾署本

部郎中 兵科都給事中蘇霖等奏兵部侍郎揭

稽巡撫廣東刑部侍郎李棠巡撫廣西俱年久所

屬情稔必須更易地方庶可維新政令於是命稽

巡撫廣西棠巡撫廣東俱兼提督軍務 總督軍

務少保兼兵部尚書于謙奏臣奉勅同太監阮簡

及監察御史給事整點各營官軍其官軍不到者

動以萬數衣甲全無蓋由總兵官及坐營把總等

官司且因循鈔束不謹乞量黜罰以警將來詔總
兵等官缺軍一萬以上者罰俸半年以下者罰三
月限半月內齊集總督等官十日一點視如仍前
怠忽必殺不赦 給事中李英等因劾謙及副都
御史羅通職任總督厥罪惟對亦宜究治詔宥之
南京大理寺卿薛瑄奏南京細民砍造薪炭竹
帚鋤柄擔杠例當抽分有匿不報者法司輒科以
船商匿番貨罪盡沒入官夫番貨海外珍貴竹木
諸物腹裏所出粗賤况所斫造俱貧民以濟飢寒
又非泛海富商比但宜論以匿稅律入半於官詔

從之 致仕吏部尚書趙新卒新浙江富陽縣人
由舉人入太學永樂三年以善書遷脩永樂大典
拜工部主事陞吏部稽勲司郎中命督漕運尋拜
吏部右侍郎巡撫江西還朝改南京吏部尋調禮
部尋母憂奪情仍復吏部右侍郎巡撫江淮正統
十四年陞吏部尚書景泰二年致仕至是卒訃聞
賜祭葬如例新居官頗能幹濟然無介特之操士
論不取云

丙辰

遣工部右侍郎趙榮祭河北之神以旣濟東昌沙

濟河道故也 免河南布政司所屬災傷糧米五十七萬二千九百餘石草五十三萬六千三百餘束 肅王贍婚奏臣第三妹扶道縣主自幼瘡癩難以婚嫁乞與祿米養贍詔所有司歲給祿米四百石米鈔兼支 戶部郎中徐敬奏貴州賦情息商旅流通今年收成正宜積糧備用乞將兩淮運司鹽五萬引召商納米事下戶部議宜從其請例納貴州在城倉并平越衛倉每引米三斗都勻畢節二衛倉每引二斗五升普定衛倉每引三斗五升從之 禮部奏比者瓦剌太師也先等累乞遣

使往來以通和好嘗承命集議以為不可從矣今也先又奏遣使通和臣等未敢輕定詔曰虜言未可信遣使之說不許 改舊都察院為帥府從總兵官武清侯石亨請也

丁巳

書復安化王秩於安塞王秩吳曰鄉者所索內官來福房屋以今總兵等官計議云將前廳中廳并兩廂房與安塞王後廳後廂房并果園與安化王并二縣主頗為均平書至可依此分居不可更有所爭 授亦力把里及哈密使臣哈馬里丁滿刺

蹇夫丁俱為指揮僉事滿剌把巴等三人俱為副
千戶 司經局洗馬兼翰林院侍講劉定之言今
者虜使還朝比此若謂和虜之後嘗恥未復損我
之武則漢高帝先被圍於平城而後解唐高祖先
居於突厥而後伸不報其仇未聞當時為謂不武
也今宜比此例豈與南宋之初虜使詔諭之羈留
父兄黜削尊號必不可和此若謂和虜之後篡弑
不討損我之義則冒頓殺其父而妾敬勸漢高祖
通和蓋蘇文殺其君而房玄齡勸唐太宗罷兵不討
其罪未聞當時謂為不義也今宜比此例豈與春

秋之法中國亂臣賊子在所當討必可不赦者比
此然臣請不惜其費不報其仇不討其罪者非因
循偷安止於是而已也誠願

陛下雖未用兵如已用兵常如其警勵雖暫遣使如
未遣使常如其防備覽群策而用之以選練將卒
修築城堡明賞罰備資械使內無患外有勇然後
彼有釁之時此足以乘之也抑尤在

陛下進聖德於乾復離明而不自足勉聖學於日新
月盛而不中止以為群策之衡鑑服夷狄之根本臣
計愚言認望勅大小群臣公同博議若但委兵部

則臣之言必不見從如石投水而生民之命如以
肉試虎少有全理矣蓋和戰皆所以待敵而兵部
必不以和為請如巫醫皆所以治病而巫陽必不
以藥為說各護其所短而欲見其所長保身愛國
者不可偏聽而當慎擇也

帝曰虜情譎詐難以預料嚮者彼來求請使臣累令
文武官計議有言遣者有言不遣者朝廷以斷定
不遣矣今劉定之又言欲遣使臣該部會多官送
長計議停當以聞

戊午

歲暮享

太廟以明日正旦遣官祭

長陵

獻陵

景陵 遣太常寺官祭五祀之神 遣旗手衛官祭

旗壽之神 免直隸永平府并撫寧衛災傷民地

也田秋糧子粒六千七百五十五石草十一萬七千

二百束 是歲天下戶口戶九百五十四萬九百

六十六口五千三百五十萬七千七百三十田地

四百二十六萬六千八百六十二頃田賦米麥二

千六百四十六萬九千六百七十九石絹一十八
萬九千三百六十疋絲六萬四千三百六十五斤
綿一十八萬五千六百八十三斤布三十萬五千
二百九十六疋綿花一十九萬二千二百斤折色鈔
七萬八千三百八十錠雜課鈔九百七十五萬一
千八百九錠米麥七萬六千二百五十一石鐵七
萬四千五百八十三斤有奇布一千七十四疋鹽
課鹽三百一十五萬九千一百四十六引折色鈔
一千四百五十三萬八千八百七十八錠米六十
二萬六千三百八十七石布七百八十六疋茶課

茶五十五萬三千七百五十斤折色鈔一十八萬
九千四百七十四貫屯田子粒二百八十七萬八
千二百一十四石採納水銀二百四十七斤有奇
硃砂一百七斤有奇漕運京師備運過糧四百二
十三萬五千石各處運納糧一百三十三萬七千
五百二十九石減免天下官田等項稅糧計米麥一
十三萬六千七百一十六石有奇

大明英宗睿皇帝實錄

百卷

卷一百一十四

卷一百一十五

卷一百一十六

卷一百一十七

卷一百一十八

卷一百一十九

卷一百二十

卷一百二十一

卷一百二十二

卷一百二十三

卷一百二十四

